

# Rere Blong Lesin Taem Narafala i Stretem Yu Deved mo Batseba—Haf 2

**Ol advaes:** Yu mekem eksasaes ya long wan ples we i kwaet. Taem yu ridim ol vas ya, yu traem pijarem se yu stap long taem ya we stori ya i hapen. Yu luk ol samting raonabaot. Harem ol man oli toktok. Haremsave filing blong ol man long stori ya. Yu tingbaot stori ya olsem se i stap hapen long fored blong yu.

**Ol man long stori:** Deved mo Natan

**Ol bigfala poen:** Jehova i fogivim Deved from wan bigfala sin, be hem i mas fesem trabol we i kamaot from sin we hem i mekem.

## 1 TINGBAOT STORI.—RIDIM 2 SAMUEL 12:1-24.

?Yu ting se Natan i harem olsem wanem taem hem i go luk Deved? \_\_\_\_\_

?Yu “harem” se voes blong Natan i olsem wanem, taem hem i tokbaot pijatok blong wan pua man mo smol sipsip? \_\_\_\_\_

?Yu ting se voes blong Natan i olsem wanem taem hem i talemaot klia mining blong pijatok ya long vas 7-9? \_\_\_\_\_

## 2 TRAEM SAVE MOA.

?From wanem Natan i mas tingting gud fastaem long ol toktok blong hem bifo we hem i go luk Deved? \_\_\_\_\_

?Yu ting se from wanem Natan i yusum pijatok ya blong storian wetem Deved? \_\_\_\_\_

?Natan i mekem olsem wanem blong kasem tingting blong Deved blong i luksave samting we i stret? ?From wanem rod ya i gud moa i bitim we Natan i fosem Deved blong i talemaot sin blong hem? \_\_\_\_\_

I luk olsem se Jehova i kwik blong fogivim Deved. (**Ridim bakegen vas 13.**) ?Wanem ol samting we Jehova i save luk long man we yumi no save luk? \_\_\_\_\_

?From wanem yu ting se i stret nomo we Deved i kasem ol trabol from sin blong hem? (**Ridim bakegen vas 10-12, 14.**) \_\_\_\_\_

**3 FOLEM SAMTING WE YU LANEM.**

Raetem daon samting we yu lanem long saed blong . . .

Tingting daon. \_\_\_\_\_

Ol trabol we oli kamaot from sin. \_\_\_\_\_

Fasin blong Jehova blong sore long man. \_\_\_\_\_

**4 TINGBAOT OL KWESTIN YA.**

?Wanem ol samting we mi mekem we narafala i mas givim advaes o stretem mi from? \_\_\_\_\_

?Mi save mekem wanem blong kamgud moa long fasin ya blong lesin taem narafala i stretem mi? \_\_\_\_\_

?From wanem fasin ya we narafala i stretem mi i soemaot se Jehova i lavem mi? (BLONG SAVE: Ridim Hibrus 12:5, 6.) \_\_\_\_\_

?Wanem impoten lesen we mi lanem long stori ya mo from wanem? \_\_\_\_\_

**Traem tingbaot:** Sipos en blong stori ya i defren. Raetem samting we maet i hapen sipos Deved i no talemaot sin blong hem mo i wantem panisim Natan. ?Yu ting se Jehova bambae i mekem wanem long Deved?

